

侍
輜
集

費念慈



甲辰六月

待輶集

費念慈署



余寓吳下久及見先生領其言論風采猶想
見乾嘉老輩之流風餘韻
今先生往矣而又得讀其
小阮問壺之待君自少
詩鳴里社間及壯又官游
於吾浙於是往來吳越凡
名山勝蹟以及遺闕軼事

序

無不紀之以待積久益多
都凡二千餘首釐為二十
四集可謂富矣夫山川能
說古人所貴兩系三都不
厭敷陳後君詩者一方景
物一時事實皆備於是那
徒風雅之林柳亦考鏡之
具異日者

國家舉行古昔采詩故事

命輜軒使者采訪風俗以
上於
朝廷君待必為其所甄錄
矣君名其總集曰待輜信
乎其可待也
光緒二十六年歲在庚子
春三月曲園居士俞樾書
於粵在堂之西齋時年八

十
序

序

石君問壺吾吳名宿也少同游比余官京師不相見者將十稔君曾以公務走長安贈余且甌吟一冊余誦而善之年來余讀禮在里君適返故鄉握晤之餘懽然道故一日手全集示余余曰集名待轄何義也君曰余家於吳而宦於越集中所詠皆吳越閒山川名勝遺聞佚事足以補志乘之所未備埃他日有采之者故名視其集纍纍然高數寸凡二十四種其體有古有今都二千餘首披覽一過適然起曰洋洋乎大觀哉夫詩盛於唐而盛於宋篇帙之富若唐之浣花樂天宋之東坡放翁或千餘首或數千首靡不膾炙人口奉爲大家君之詩

序

一

風格道上神致閒適發源於少陵而得香山之趣有髯翁之豪邁而兼劔南之精雅足與唐宋諸作者抗手而篇數亦幾與相埒不可雄視騷壇邪君家本吾鄉右族而君尤爲君族之白齋研精經史又工舉子業屢試省門輒不得志於有司遂以一官游浙二十年來雖歷膺繁劇曾不能大展所長他人處此必愆然有動於中露牢落不平之致君獨不以介意凡游宦所至之處有可寄興者悉發之於詩跌宕湖山流連景物長譔短詠其樂陶陶非胷次有勝人者那能辦此嗟乎士君子懷抱竒璋不得已而隱於下吏以放廢於山水詩酒之間者求之古人比比而有君今浮湛宦海底而新篇滿袖亦

足自豪異日纂修蘇浙兩志其必有取於君之詩而君亦得藉是以傳不朽抑余憶嘉慶間江都王柳村曾輯江蘇詩徵多至五千四百餘家洵見吳中文史之盛他日安知無續輯詩徵者乎君殆當首屈一指已

光緒二十六年歲次庚子春二月二十有二日弟同里

鄒福保



序

二

待輶集總目

西湖千詠

古蹟三百六十七首
山水四百七十四首

園亭八十一首
墳墓七十八首

前後桃塢百絕

西湖五十二景

勾甬竹枝詞

且甌歌

正三十二首
續二十四首

前後吳中吟

雁宕山勝蹟

秦晉鐵淚歌

吳門歲朝詞

杭州四時

雜詠
總目

鎮海四時雜詠

瑞石山歌

白雀燒香詩

烏墩竹枝詞

楠溪竹枝詞

元都觀戲詠

申江竹枝詞

石湖櫂歌

海錯分詠

烏墩土產分詠

浙西鄉婚嫁詞

里門古蹟隨紀

得得吟 途次 愿游所作

紀壽詩 自二十至六十



總目

二

深壽詩 自二十一至六十

里門古蹟隨紀


自序

余生於吳宦於越厯游冀燕諸省凡至名勝之區見風
土物產有所異輒筆之而韻之得二十有四種都二千
餘詩萃爲一編曰待輜集初未敢示人也歲辛丑余詩
友邢厚莊京卿見而愛之捐囊金梓之手民旣奏刀矣
有客謂余曰方今 朝廷崇實學易制藝爲策論試
律且廢而弗講而子猶斷斷於是得毋迂乎余曰然爰
置諸高閣者三年旣又惜之且懼無以告京卿也卽已
刊數種續成之合舊刻且甌歌等詩爲一帙錯落參差
漫無紀律苟焉而已欲窺全豹且俟異時癸卯春問壺
自記

序

問壺先生五十二歲川象

門人潘承賢敬題



廿年藍衫廿年紫綾游覽所出
發為錦繡與人並壽盒
馬無靈石麟不佞遇困如亨綉
身自足才人出福

問重述懷詁

東嘉馬允熙書



問重述懷詁



石參軍問壺先生三吳宿學文名

卓著鑄曩時肄業東林書院先

生為當道者主文衡都人士咸服

其評論精確於理法尤為考究

然鑄獲益雖深未嘗譏先生一

面也歲戊子鑄車役未顯踰季先生之

序

至始與通欵洽如舊相譏向以為主

師宿儒必容然道貌其人者今乃知

個儻不群後吐紙諧一風雅士也

庚寅九月十有七日為先生五千誕

辰鑄隨同人後捧觴以進將為先生

壽先生浩氣長歎避席不遑也

所失袖出其五十述懷八律見示云
謂人世間難堪之境於吾身備
嘗之卒讀其詩覺其渾成魄
力雄壯佐以適意之新穎選詞
之物非沈湎於宋元諸大家不辨
而於青邱子集一錄為尤近日人

序

二

以付梓請強而後之並披其藁
中三十四述懷附焉合為一帙焉
鑄弁言鑄
心不固辭惻然也且之言曰
是人也其是才而其是道其命乎
遂大聲疾呼而為之序

梁溪過鑄



待輶集

紀壽詩

吳縣石方洛問壺著

二十述懷

時避亂鄉間

見棄椿庭已七年箕裘空自眈承先何堪鳩鵲營巢地
余上年正完烟偏遇鳴鴉毀室天城郭曾經扇噉火田廬都半
廢荒煙可憐磨鐵橋頭月曾照爐香吟舫邊
時余避亂在坊橋之

磨鐵橋爐香吟舫余家齋名也

一門骨肉半凋殘

余於四月初三日出城十三日城陷六月祖母及兄皆沒十二月母亦故

僅存夫婦二人及寡嫂

顛沛流離病更難

僅存三人飛到雷雞先亦俱患病

齒冷而擄掠則已定

鄉問時有賊至傳來風鶴倍心寒

更有外來之虺賊言將肆掠

蛇徧地蹤何定

鄉間土豪亦需索不已

烏鳥終天淚不乾豈是彼

待輶集

紀壽詩

蒼將壽我故教百鍊此心肝

莫問吾生命短長可堪弱歲遇紅羊木雞自問功還淺

余赴玉峯三試童子軍不售

金馬何期願得償但使避秦能脫冤敢

還望蜀卜騰驤一朝倘許干戈息我即無年也不妨

油鹽柴米累非輕

自母及兄故後家事屬余一人

世路茫茫况棘荆眼

下誰憐蘇季子

余欲他遷未合嫂意腹中疑有李長庚

時妻平漁正有孕漁

樵偶亦添新侶

鄉間鄭秋亭諸君亦可佐談資

親友何從訴舊情
何岳

家平及諸姑諸姊家均無音耗

少小便教憂國事望風且自頌昇平

三十述懷

時亂後還家生日適報罷

劫來不死亦徒然隻影飄零有孰憐幾輩時流雙白眼
百年家世一青瑣對天欲吐不平氣入地偏多未了緣

今日親朋齊在座且攜菊盞醉芳筵

欲訴生平淚滿襟童時便廢蓼莪吟年十四先君棄養家傳幸

賴提撕切幼稟庭訓握管後先伯梅孫徵君相似宅相還勞屬

望深失怙後常依舅氏居母舅書三戰文場入魔道前

學院在玉峯余三赴試不售十年燈火負駒陰可憐毛羽將豐滿小

劫紅羊驀地臨二十歲粵匪竄吳

鸞鳳新巢乍結成罡風吹破闔廬城室人平氏來歸未及期年賊至當

歸莫示姜維意乞養空陳李密情荆正交柯經雨折蘭

方吐崇為霜傾丙子以匪來得團藥骨肉成春夢從此

身同一葉輕

遍地烽煙何處家不堪入耳是鳴笳毒龍有穴盤蠡浦

待輶集

紀壽詩

二

避亂坊橋屢孤燕無巢繫鶴沙送遭匪掠卒至瀝濱貧不能賃屋依親戚居

偶為謀生遊市井避亂甫里曾送經走險歷天涯往來

途中迭次覆舟瀕死卜居方定琴絃絕獨倚紗牕月影斜在申經年賣文

為活纔得賃屋安居內子暴病半日而卒

重逢天日返吳門茅舍荒涼幸尚存先人遺屋有百餘

歸獨守庠序藻芹承祖德乙丑宜宗師闕干苜蓿拜

城復時團練善後余與董其事蒙李愧無經籍酬知己

爵相保以訓導選用並晉五品銜薄有田園付

丁卯王式如房師庚午歐陽雙南房師皆盛稱余二場文字紫力薦以堂備卒不售世居省垣清

子孫九族同居稱盛事一庭歡聚笑言温嘉坊族誼素

皇恩

破鏡重圓圓復缺乙丑續娶洪荀卿到此益傷神人前

不再誇金馬天上何年賜石麟喜弄掌珠差勝獨三女

漸長飽撐腹笥未爲貧洞開白鹿虛前座謬應東林聘席

珍錫金東林書院
相繼延余校藝

稱名怕說一聲酸瑣屑米鹽不自安裙屐逍遙隨性適

泉刀揮霍奈家寒買書常自添新債鑿古何妨縱大觀

學得雕蟲小技藝漢秦玉印自摹刊

舊交歷數不勝哀一十年前盡異材太白何緣撈兔去

觴茂才桂彭君叔頤
被虜未歸洪喬狂放難諧

俗馭茂才莘志
遷居鄉間明遠宏通轉誤才鮑廣文竺生員才
傲物無志功名只

興延陵吳季子談心常共泛新醅亂後論交惟與吳子
實太史子和子遠廣

文吳茵青明
經最爲投契

待輶集 紀壽詩

三

落落平生何所事綸經小試亦無聊當道歷委余辦掩
埋撫卹編查保甲

等事揣摩半自艱難得疑謗都從戇直招豈惜人言皆藉

藉只由我志自囂囂一生卻誤煙霞癖頓使豪懷壯氣

銷

東塗西抹肯全休爭到功名力尙道未許祖鞭先我着

何妨班筆任人投况當斗室稱觴日正在干門看榜秋

鵲報一聲賓盡散江東羅隱獨躊躇誕日正揭曉吳太
史穎芝得捷其尊

人菡青先生在座聞
風馳歸眾賓亦散

四十述懷 時將需次浙江卽以留別同人

轉瞬匆匆又十年相依祇是一青瓊最難劫火瘡痍復

反羨泉臺骨肉圓翰墨生涯柴米債神仙眷屬鏡花緣

捧觴自顧茫茫影手有遺書倩孰傳

卅載居然歷四朝蹉跎一任到今朝文章浪說搗鴻藻
知遇都成覆鹿蕉李棄道旁休怨苦桐餘爨下未全焦
而今狂態應須減不爲澆花也折腰

強仕年華正及時半生自笑一書癡枉人有意垂青眼
愧我無才說白眉定遠合教投筆起終軍漫惜請纓遲
出山泉水知何似百紙清操要自持

一尊競爲祝長生旋唱驪歌送客行兄弟依依將遠別
親朋脈脈亦含情關河飄泊休憐我詩酒逍遙最羨卿
他日五湖倘歸隱西牕重與證前盟

自和前韻

待輶集

紀壽詩

四

矮屋浮沈二十年振衣欲謝廣文瓊

余以訓導改
官府經歷

花當

寒食知過半月到中秋奈未圓氣吐文章誠有命情移

山水詎無緣驕人貧賤持何物寶訓於今五世傳

五世
祖洵

齋公著有傳家寶
訓刊刻行世已久

金粉繁華憶六朝抗懷暮暮復朝朝十年春夢風中絮
一點秋心雨後蕉那得胸襟包史漢幾經足蹟上金焦
從知宦海無邊際消瘦誰憐沈約腰

自笑東坡不合時吳儂生慣賣欬癡投時誰識荊州面
速淑初齊德耀眉有福早宜金馬貴無文合守土牛遲
升沈得失原無定一寸心田好護持

敢言此志屬蒼生攬轡澄清竟獨行梅尉一官非得已

徐孺半老何多情頭銜祇類婁師德心友還留范巨卿

謂范君梅壽願與十年暫離別歸來莫負笠車盟

五十述懷 時理東甌朔關權務

強仕年華始出山春光一瞬十齡還宦途更比名場濶
時運真如世道艱滄海力窮尾閭穴秋風誤入鬼門關
而今富貴都無意只望孱軀老益頑

看花次第到重陽多謝諸君侑菊觴繞膝恨無兒舞綵

談心幸有客聯床 謂李少尉品如官如雞肋誠何味累甚猪肝

要自防底事故鄉常戀戀吳趨二陸悵分行 謂堂弟須玉

拱辰門外靜持籌 郡志朔門為拱辰門佐治東嘉憶舊遊 甲乙兩年曾攝

邑丞重見搢紳情倍摯 謂呂文溪王幹臣兩孝廉徧勞借箸事能周

待輶集 紀壽詩 五

謂同事諸君可堪颶母來為敵 今年兩次風災向所未有忍聽方祇祀不

修 權次土神廟殆廢余創捐修葺之駑馬無材須努力半生知遇懼難

酬 謂許方伯彭觀察張太守及同學舊友

百年一夢漸將闌過半方知振作難涉世不工成怨府

讀書未化結疑團妻惟善病憎投藥交以知名得契蘭

過明府玉書與余夙有文字緣卜歲豐荒猶莫定尋常五秩敢開槃

又作

光陰轉瞬十年賒兩度來甌泛海槎心以用多將近木

眼當注遠未生花功名自笑羊頭爛學問應隨馬齒加

一任江頭新樣柳翩翩舞影逐風斜

講藝論文興尚酣紛紛問字達瑤函 姪輩及門下士均奇文藝來請刪改

行蹤來去雲飛峽世事浮沈月印潭春樹有情思渭北
謂王菁隱戶部戴藝秋風無賴夢江南謂謝銳庵太守
郭吏部劉雅濱太史廣文及吳瀛洲仙客還相約桂子香時好共探李品如
氏昆季再逢大比少尉約
共赴北關

平生恩怨敢模糊欲哭知音淚已枯曹君平之願君不
桂舫皆前卒

履不衫由我慣爲牛爲馬聽人呼熱腸豈必無眞識冷

眼奚堪閱世途一瓣心香何自祝勉將三字守官符劉

臯師來浙視學常以
清慎勤三字爲勸

累代書香浪得名抱殘守缺愧難成先曾祖先祖全蒙
己刑梨板半軼

七擒七縱原由命七入秋闈三沐三薰藉告誠近年常

室有嬌鶯添喜氣謂女門棲雛鳳引先聲陸生季午附

待輶集 紀壽詩 六

余案頭 相期花甲逢華誕繞膝芝蘭介兕觥

六十述懷

聖壽三旬我六旬呼嵩不敢自稱臣功名潦倒今猶昔身世

迷茫假卽眞且共諸君題碧落從無百歲駐紅塵菊花

便有延年意甯爲衰翁色倍新余以九月

年來國事不須提鸞鳳聊從枳棘棲跨竈惜無千里馬

余尙 無子 警心賴有五更雞堂廉高遠空瞻北時正 皇

后西 骨肉摧殘半逝西兄說一莊子弟須玉

慶典忽開龍虎榜秋風我亦羨名題本年已奉 詔開

暮齡興會問如何不是長吟卽短歌王粲一生樓上住

余臥室 杜陵半世客中過四十後作宦在外 老成子弟

在樓 至去歲始一同家

生難得久別親朋死更多且自摩崖高處望海疆何日
靖干戈

拚向西山賦采薇率真豈必定知希鏡花水月原無據
魚躍鳶飛或有機未敢宵行防夜露爲虛晚巖懸斜暉
湖光約畧來招隱留取漁竿好乞歸

又作不次韻

垂老猶爲蟻蝨臣再周甲子歲重新狂吟不下三千首
虛擲於今二萬旬爭藉笙簧來侑酒誰知甑釜幾生塵
夢中倘入長生殿欲把離懷訴太真謂兩亡妻

功名兩字我羞提下士經綸一割雞紅粒不隨鸚鵡啄
碧梧要讓鳳凰棲曾經滄海皆陳迹每到名區必縱題

待輔集

紀壽詩

七

且向平臯一眺望斜陽已射暮山西

詭說天公技術多老而不死如余何參禪豈必僧敲磬

待旦何殊士枕戈纂古眼穿眞僞史破閒口占短長歌

鑄錢論與梅花詠虛受知音兩度過戊子詠蠟梅詩入律和許星臺方伯

綠牡丹詩韻即委溫屬雙門司權丙申龍仁陔方伯考課以鑄錢論命題余名列超等第一委甯屬柴橋司茶

權

壽屆期頤古亦希已經過半要知機教沿壺嶠餐丹薤

新得天生朮居近臺垣耀紫薇余寄寓藩署西公廨不藉名花娛

晚景祇慚寸草報春暉故人一再來傳語三徑荒涼何

不歸鮑君竺生吳君子遠咸急勸早歸未三月而二君皆謝世亦奇

旦
區
歌

弟
康
題



序

嘗讀歲時伏臘五方之風氣不同
其豐阜之象充積而為之未有
源不祗而能旁流夫不急之務者
豈生皆日繁而產出有限布帛
甚有藉自外來則委今日之勢
惶之恤

一

日用節浮費以馴致于敷
其可迺後賓會通神崇信佛道
婚嫁喪祭亦每以言益之因設
于民間民財日疲有由矣余夙
憂無方以挽之日者平江石公
問臺出且顯歌一卷見示云
里詠卷語一以勸

豈之意出之所謂喜笑怒罵皆文章
是也余讀未終篇急動付梓俾興集
一出向之相習成風者趨外孰將
必有或愧而不為其則公之大造
于吾甌也公才大而屈于下僚
而度宦甌地方情形出之論益益

二

無移風易俗之權而已得黜華崇
實之旨亦可謂有心人矣是謂序
光緒歲次辛卯季冬月

東臺呂渭英拜序



序

夫企喻製曲乃才人得意之辭真臘
紀聞亦海外奇觀之助唱楊枝於滬
瀆情召生文歌芳拓於巴渝巧不傷
雅沿夢得香山體制裝成十部宮商
諧龜茲康國新聲繪出八方風土凡

茲雅集代有傳人此石刺史問壺先
生且甌歌所由作也先生吳郡名流
平江老宿文壇七戰挫盡詞鋒席帽
戈投自成仙尉諗政事與文學無異
轍是真通材合儒林循吏為一編絕
大本領懷中有錦莫莫掾事紛繁管

下生花不少詩篇稠疊况乎地逢名
勝天遣詩人欣鳧舄出重來尋鴻泥
之舊印曩日東嘉分宰曾經父老攀
轅此時北郭從公又見賈商湊輻於
是朝批粉墨夕握牙籌會計勤操歌
謠旁涉暫栖鳳棘本無案牘之勞憶

二

到鱸尊尤觸唵噉出興巨故證羅浮
之蘓葛顛孤嶼之新篇訪積穀之仙
踪探飛霞出勝蹟莫不釀陶化液菽
謝成菹也而復着意採風有心變倍
仿晉魏齊梁之體別吟行辭曲之名
攬拾見聞非東野齊諧之誌異描摹

俚俗比酉陽雜俎而翻新悟大塊即
是文章入妙手都成天籟又且慨當
以慷諷寓於規託遊戲以摠懷寄嘲
詆召矯俗乃知才有足多文無定製
斥俳優之纖豔自狀杼軸呂成章傷
風俗之頽波特借鍼砭以宣化苦心

三

一片豈僅杜陵詩史也遺嗣響千秋
不在正始雅詠而下是為序

光緒十七年歲次辛卯小陽春月

章安黃竹脩拜撰



序

有不鑿子見點頭老人而問焉曰吾讀且甌歌知君留心風俗
惓惓於民物者深矣而其間錯雜不論將何以爲次乎老人曰
噫鳶有機魚能知乎首風癡榕異先天地也次及迎菩薩飛霞
洞尊神鬼也坐筵至膏新四章所以分婚嫁喪祭也巖親爺打
生配冥親凡所以明人倫而塗田與花會則所以敦民俗也餘
如打對子以戒武健子孫飯以惜暴殄以及夾鮮魚之勸儉約
罌粟花之徵荒淫唱龍船之警游惰孰不有微意存焉者而龍

且甌歌

自序

一

燈以下六章則以見時序之遷師公以下四章則以表土風之
異終之以三將軍香魚言物情也而亦有深慨寄焉矣未及公
婆船肉山蓋閩俗始染甌殆猶易變易者乎吾只願二百年後
再世重來棗梨已佚而風俗全非則此筆簡之勞勞或亦不爲
多事也呵

光緒十七年辛卯八月平江石方洛自序時客朔門權次

且甌歌目錄

風癡

榕異

迎菩薩

飛霞洞

坐筵

背燈

避重喪

嘗新

巖親爺

打生

配冥親

塗田

花會

打對子

子孫飯

夾鮮魚

罌粟花

唱龍船

龍燈

攔街福

龍船

且甌歌

目錄

二

七姑娘

打九十

放水燈

師公

送喜桃

送瘟船

打花鼓

三將軍

香魚

公婆船

肉山

且甌歌

平江石方洛問壺甫著

甌江竹枝詞江都郭外峰

鍾岳

魏塘戴玉生

文僑

兩先生

悉得百首郭作言婉而諷雅合風人之旨戴作多掌故亦

足備參考二君各擅其勝矣

洛

兩遊甌江先後十餘載遇

駭見聞事輒執土人詢其義爰仿東坡襄陽樂府體參用

山蜀中吟意得小歌三十有二亦以偶所見及者隨口

歌呼而已至曰振風勵俗則我豈

殆

風癡

且甌歌

怪草生兮颼母出

大觀山有風癡草穗含結節
劑以驗風無風之歲不生

靈臺築兮晴光

蝕雙門馬道每集資演劇

風陣撓空萬馬疾西北東南四方合

風癡自西起旋

而四合則成旋轉中央相鬪激一日不已至於三日或七日

風癡一日不止必

至三日甚或七日居人云七月怕初八
月怕半言風癡也

乾坤

搖撼神咤叱靈鼈一吼瘴烟濕朔氣逼人寒生咽盛夏宜裘不

宜葛灌壇泛出蛟龍窟海神按轡江心立怒掀黑浪高千尺舶

趁無端驟橫決高桅淹水鐵索絕舵工急呼彌陀佛寒潮挾雨

傾民室衝破柴門排闥入狂風掀瓦飛如蜨萬家燈火齊撲滅

男兒齒戰婦稚泣。此身拚已化魚鱉。忽焉風靜洪濤息。雷鞭一

下人心釋。雷鳴風息是謂風癡不可測。豈知風癡之癡癡易歇。吾

輩癡人癡何極。

榕異

八月十八卯酉潮。柁溪港裏水滔滔。可怪斜陽天半高。地在中
塘下塘交。歲有覆舟奇禍遭。或言水宮殺人夜祀蛟。或言溺鬼
索命肆咆哮。窮本探源水底撈。十圍榕樹根連梢。料是潮流旋
折至斯撓。從今是日是地戒行橈。安瀾亭畔多鄉豪。屆日延僧
且甌歌。

二

設奠超溪民。載貨來售銷。藉端設法分抽毫。傾舟之害害已消。
歛錢不已猶遙遙。

迎菩薩

迎福迎壽又迎財。快先要迎菩薩來。迎菩薩。羣如狀。三月十六
星算推。預期三日令先催。有一人兮紗帽而金盃。不文不武形
傀倭。手持竹葉掃紅埃。巡徧六門山水隈。菩薩始出華軒擡。迎
菩薩。轟如雷。三道輿從挨次排。首道金鑼把路開。開路有神真
巨魁。黃金四目古體裁。五鬼朱綠塗鬚眉。次道元帥神裁巍。何

物七星馬上隨。悍然雙目飽珠胎。末道紛紛傘復牌。爐烟蒸出玉蓬萊。舞臺優孟太俳詼。童兒躡屨如立梳。判官赫翼阜隸卑。檻車自囚何足哀。迎菩薩。擁如堆。官衙先入奠金壘。加官進爵朱衣孩。賚賞陰陽一律該。有童扮加官者從菩薩至一登場菩薩便賞以錢包主人亦如之萬家花祭錦成圍。銀牌榮貺神所培。鮮花供養爲花祭菩薩懸銀牌枝上賞之尸祝殷殷妙主裁。驅瘟降福更消災。晴則迎。雨則迴。經旬累月方周賅。纍纍黃白如飛灰。何爲乎纍纍黃白如飛灰。

飛霞洞

且甌歌

三

温州十八怪。飛霞洞裏亦一派。海瘴逼人易受瘴。瘴來齊信占

米卦。

撒米問卜謂之米卦

或言飛魂壓洞內。急倩親鄰爲祈賽。張家嫂李

家妹。十人五人相結隊。喃喃禱殷殷拜。鹹卵水雞菠稜菜。

卵音圖蛋

也鴨甌人謂水雞波稜甌音作柏冷

雙雙福禮物。惟備

祭品曰福禮

綠籐斗。紅綾蓋。蓋

得魂歸便安泰。求著莫須再求艾。問疾人皆三舍退。往往三日

五日修法戒。藥鑿高欄反致敗。或言厲鬼來索債。先設酒食開

宴會。重重相引內而外。門伏健兒十數輩。驅之擊之隨其背。嗚

鑼擊鼓一路傳呼聲如碎。送之海濱紙舟載。隨潮而去任砰湃。

吁嗟乎。鬼不祟人人自祟。爲病爲祟。殊味味。米卦先生何狡獪。

坐筵

團坐華筵爲坐筵。採風已入隨圍編。新婦高坐中堂前。女賓分坐左右邊。十席八席相蟬聯。先日新郎折柬延。屆期一一來魚

軒。入門稱賀袖翩翩。初見先輸覲面錢。孺人項下披雲肩。婢僕呼年

少主母曰孺人。燈光炫目珠翠鮮。大媛小媛正待年。女未嫁曰媛公然點額

鬢眉尖。風女及笄卽雉眉畫額不然恐洞主攝以爲婦舉杯揚箸儀節全。纖肴滴酒不

沾涎。一庭春意黃昏天。粉香濃郁蒸如煙。觀者直入無避嫌。某

且甌歌

四

某媼。某某妍。從旁不忌人評言。倘聞我妻我女羣傳宣。家主增榮喜氣添。喜氣添。還教妻女快爭先。誰非清白世。縣縣何任狂

蜂遊。蜨夜窺簾。

背燈

背燈背燈。落絢八字便生成。謂是母家當敗夫家興。屆日婿委

禽。堂前拒客賓。爺娘姑嫂走四鄰。內外滅燭人無聲。女獨出閨

夜潛行。屏盡華姓著布裙。擎蓋不問雨與晴。離母家。稅蓬門。然

後珠冠玉帶彩輿乘。傳呼入宅爲新人。合巹交歡逾十句。諸姑

伯姊始通音。別新郎。賦歸宜。進門猶是冷如冰。女自入厨執爨。薪煮得湯圓。手自承。以水磨米成粉。謂之湯圓粉。有喜必用之。取團圞之義。獻爺娘。飼弟昆。乃復歡然喜相迎。吁嗟乎。古來六禮重婚姻。背燈何事如私奔。他年夫貴子榮花。誥膺分光還及母家親。

避重喪

土人謂日不清

君不見。盜馨墮地推生辰。宜富當貴慰親心。乃至大禍及吾親。一身凶吉又何論。可怪且甌人斷魂。先開死生日月問。卜人卜人若言有耗星。子婦衰麻不上身。全家掩口無哭聲。寂寂蓋棺

且甌歌

五

三五更。昇諸荒野弗登陵。越七日。日已清。始得呼號躡踊告親朋。鑼聲響。爆聲升。高奉香爐供爲神。甌人每一祖先設一爐。謂神靈所託。弔者於是許登門。吁嗟乎。風水之說競相爭。殉葬之條久弗聞。方今

天子孝治民。木鐸振兮舊染新。舊染新。五典惇。笑彼蚩蚩氓。何必羞

對皇天。張蓋行。

甌人新喪必張蓋而行。謂無顏見天也。

嘗新

新紅米。初登場。一年再熟慶豐穰。

甌地暖稻有早晚兩收。

六月初。稻已香。

陳遵先獻祖先嘗。落蘇不落長豆長。

茄子無中落帶豆。取縣長之意。嘗新時皆必用之。

以之爲配徵吉祥。甌人呼肴核曰配謂配之以飼飯也。哥招舅弟曳郎呼羣羅飲

大開觴。搏戰二五聲同揚。甌人二五不分音。濁酒三杯正下腸。鑼聲一

響官來鄉。西柵溪糧非官親催不納諺云鑼聲響完錢糧。催租小吏猛如狼。紛紛竄避

踰垣牆。明朝搜括急輸將。急輸將。罄倉箱。十家九無隔宿糧。噫

吁噫。年年作息空勤忙。俗不崇儉豐也荒。

巖親爺。在巨溪巖石巖也親爺甌人拜人爲父之稱。

巖親爺。地靈鍾。吾家生有人中龍。祇恐造物忌人聰。願把兒名

附驥蹤。附驥蹤。意何隆。百年長壽景高風。字泥金。帖標紅。大書

且甌歌

兒名懸壁東。南宮兄。丈人峰。石兄石丈本同宗。更與翁仲支派

通。兒呼親爺名尊崇。兒父應呼巖親翁。誰識倫常關聖功。人類

豈與物類同。

打生

打生打生。打爾何不贅生成。滅宗廢祀當受刑。城隍爺。甌人稱城隍爺道憲。

亦曰道爺。掌柄衡。跪神前。請薄懲。女伴從旁折竹莖。袒而鞭

之呼聲聲。願神鑒我忱。賜我石麒麟。未卜求嗣靈不靈。先已辱

其父母之遺身。

配冥親

婚姻定下禮聘聘禮未定子女殞必使幼男少女共邱枕乃可立後報其本通媒妁修藻蕙一樣朱陳婚禮乘麻糍糖糕與喜餅陳設靈前爲祭品麻糍如糰而方糖糕糖粉糕也皆定婚用嫁衣裳紙爲錦祝融一現曇花影亦有女已字人未合壻死後冥親故他訂郎心倘恤貞魂溷務輸財賄爲先引多多益善親心逞方許婿家同穴殯吁嗟乎生賣笑羞已甚死賣棺貪更很掌上明珠在中壺一家吃著無窮盡何怪人亦有言生男不幸生女幸

且歐歌

七

塗田

歐江水無定蹤十年西十年東黃沙一捲拓三弓藍田玉忽起正中小民藉此起爭鋒官爲立法何圓融子母相生說亦工倘使犬牙交錯界劃同先入升祖爲主宗誰知出好卽興戎激成械鬪非命終鄉愚何知訟則凶奸徒得隙縱刁風筆如刀兮顯神通疆畝分民力窮十年始得報成功鄉愚坐致富家翁方說黃堂斷至公桑田又化蛟龍宮爲牛爲馬一場空

花會

花會花會全。歐大害三十六門天罡配。狀元宰相尼僧丐龍虎。牛羊禽獸類。畫圖著說殊狡獪。設引茶山立一旆。葫蘆之中春色賣。上而仕宦下市僧。閨門清興尤稱最。擲得一錢卅倍貸。拚身孤注分勝敗。卜彩茫茫問著蔡。廢廟孤墳羣祈拜。鄉有兩神更可怪。一受牢籠一喜媚。上下河鄉有廟神二問花會最靈一則必一人袖出卽當繫神頸謂奉帝命罪當誅一人從旁緩頰云請點花會赦之一則必使美少女坐神殿手持神鬚懇點花會故曰一受牢籠一喜媚點花會者以圖置案暗中以墨點之謂神爲之主。可恨海隅多無賴。設陷陷民民日憊民日憊。起蜂蠆層層蒙蔽內兼外。叫煞皇天天不暎。歐人事急叫皇天

且歐歌

八

打對子

打對子兒戲耳。十一齡至十六止。大率營弁子弟創其始。無賴頑童踵其趾。分部伍操弓矢。三五十人聚如蟻。穿城廂。歷街市。耀武揚威爭比技。鼓聲一震譁聲沸。紛紛旗幟明如綺。若者爲將若者士。儼若兩軍相角抵。爭以高下分臧否。父兄見之心竊喜。豈知年少務使諳律紀。奈何先合鬪心起。而況海疆強悍之風正靡已。

子孫飯

子孫飯。子孫飯。一日晨昏三進饌。人人碗底留紅瓣。謂將遺付
兒孫徐消散。一年三十六旬半。狼藉米珠幾萬萬。一朝倘遇凶
荒患。救得流民多少難。家家子女及笄。訂聘回盤禮粲粲。桃
兒扛兮糕兒擔。十色五光裝潢燦。暴殄天物物糜爛。物糜爛。勞
勞猶爲子孫盼。何弗黜華戒奢慢。有時莫待無時歎。

夾鮮魚

礬山頂上山泉衝。一綫直瀉海之中。海濤旋折凝秋風。瞥時蟠
結形蒙茸。非鱗介兮非毛蟲。無奇不有造化功。漁者劈竹爲釣

且甌歌

九

筒。隨潮夾起水流融。名曰鮮魚。通名海蟹。腥蒙有白有頭對對封。

白而圓者爲鮮魚。白黃而毛者爲鮮魚。頭一白一頭謂之一對。項下參差餘血紅。鮮魚首腥捕時輒割而棄

之有血甌人以酒冲服謂可養心血。枉借蝦蟆作目瞳。鮮魚無目鼻觀中蝦蟆集焉。上有飛鳥啄之。蝦蟆驚

走鮮魚亦隱入海底。出水久留欲化空。撤礬和鹹乃不銖。以礬始者以礬

終。礬山一隅產已充。奈何地愈富。民愈窮。此理只堪問蒼穹。

罌粟花

罌粟花。粲如霞。外洋流毒及中華。割漿液。液剖新葩。貯器凝膏
曰土鴉。烏衣子弟好浮夸。胸中結癖等嗜痂。盜肩背。焦齒牙。雙

眸爛爛面削瓜。必及譙樓更鼓。呼朋引類踏三叉。閨房直入
不爲差。婦說餅。僮烹茶。主賓一榻笑言譁。忽焉涼月落窗紗。匆
匆秉燭急回家。鳥已出林聲呀呀。俾書作夜何爲耶。

唱龍船

唱龍船。負在肩。玲瓏窗闌別有天。遊行東陌復南阡。愚夫愚婦
奉如仙。前半邊。木頭傀儡一綫牽。衣冠羅列模形全。演一齣戲
幾文錢。後半邊。娘娘菩薩設香筵。上有匾額旁楹聯。清香一炷
日綿綿。薰得滿船黑氣填。一撮爐灰藥竈煎。誠則靈時病自痊。
且甌歌

十

龍燈

新年入。龍燈出。紙龍無數木龍一。木龍領袖主驅疫。蜿蜒玲瓏
八十節。節節有燈分五色。燈燈有人持其跋。羣龍舞。一龍率上
下控縱不可測。更有花鳥雲魚新樣設。翻聯銜尾勢蓬勃。白紗
船明於雪。一人負戴何突兀。活臺閣。賭裝飾。三五兒童成一劇。
鼓聲起兮鑼聲接。走徧城南又城北。獨有南塘宮裏一龍蟄。龍

身龐大行不得。龍髯可以當藥石。丈夫爭爲妻孥擷。道是求嗣靈應物。怪哉咄咄。人種龍種豈相涉。人不種德向龍乞。

攔街福

春意渥。天降福。福在街頭暗摸索。誰家攔去春常足。南門南至

朔門朔。

郡城北門謂雙門。土音朔轉音爲雙。

漫天燈綵炫羅縠。朱楹柱上詞聯玉。

謂是桃李園開夜秉燭。或是蘭亭修禊曲水曲。檐頭巧挂鸚哥絡口噴細液靈機伏。夕陽西。歡聲作。紅男綠女相徵逐。家置一燈設一桌。十家五家聯陸續。最後一家崇臺築。上供福星神肅

且甌歌

士

穆。牲肴花果披紅綠。粉桃如塔高齊屋。酒一樽。香一束。主人默跪倩人祝。祝者道裝古袍服。笙簧夾道淫詞惡。錯雜不倫毋乃瀆。福兮福兮究誰屬。君不見街梢巷尾有癡獨。棉衣典盡也從俗。煙銷人靜春寒促。啞啞笑聲應當哭。

龍船

五月五日天未燠。

溫地夏猶未熱。

南門城外龍船作。龍船作人頭。簇衣

香扇影搖波綠。龍船之高高於谷。龍船之長長十拓。船頭船尾臺高矗。俊兒上駕青絲絡。鞦韆圈裏旋。轆轤葫蘆一轉煙噴綠。

梢頭婆美如玉。嬰哥架上蓮翹。龍太子白袍服。戔冠長戟威儀肅。大龍華兮草龍樸。搖旗擊鼓人赤膊。大龍遲兮草龍速。八槳如飛隨浪浴。舟置一偶雕以木。不及爭先撻以竹。移時事藏回村麓。演劇酬之罪自伏。前倨後恭亦太促。游船無數沿隄泊。布篷斜挂迴欄築。士女紛紛艷如夢。盪向河濱資眼福。龍旗一柄船頭撲。犒賞隨人不嫌薄。爲說龍船能鎮惡。臨水人家迎陸續。爆竹千聲紅一幅。贏得龍船伸復縮。吁嗟乎。一江競渡胥尋樂。誰爲汨羅三閭哭。

且風歌

七姑孃

七月七日七女郎。出城爭拜七姑孃。七姑孃宮設南塘。年年不斷七寶裝。七姊妹共登堂。執牛耳。矢信芳。良月良日良辰。良約伴重來。快行觴。青精飯。綠蒲囊。紅絲綫。一掛長。松枝柏葉雜青蒼。先向娘娘宮裏藏。一雙紅燭一封香。齊來叩禱乞黃梁。歸家飽飼保吉祥。明年家道果然昌。願權于母倍以償。再來乞復相將。復相將。何穰穰。纏綿不絕積餘糧。我不溯權輿於七姑孃之廟。我只慮盈滿於七姑孃之倉。

打九十

年年逢七月。家家打九十。

疊紙爲錢鑽以成形。縱九橫十。故曰九十。

打九十。銅鑽一

下錢紋裂。包兒封。印兒刻。

歐人家有三寶。印一專爲寄冥資用。

三代祖先名書墨。

開元寺裏冥庫設。爭將九十寄幽穴。庫官有費外加一。東風一炬火光澈。幽穴居然成富室。成富室。誰見得。不如虔誠家祭奠楮帛。

放水燈

放水燈。放水燈。中元令節度亡魂。一串牟尼萬點星。飄流海面

且甌歌

三

隨潮行。紅光一道澈。波心塔燈殿後。尤嶒峻。聯舟尾送駕風平。煙銷燭滅人誕登。分奪餘燈聲沸騰。謂可夜行鬼不侵。誰知攘鬪自茲興。每每失足隕海濱。即使今年超薦靈。明年鬼錄恐增名。何如崇正道。黜旁門。幽自幽而明自明。兩不相涉毋奪倫。

師公

女師孃。男師公。師孃司病之吉凶。師公司歲之歉豐。旱乾水溢。不時逢。禱天祈福計彌縫。里正先出歛青銅。擇日設壇曠野中。疊几爲臺聳半空。上置兩竿高於嵩。七星旗幟標西東。師公登

臺神雝雝。白袍白冠如喪容。試問師公何神通。躍距三百呼蒼
穹。鑿井耕田帝力宏。顓蒙齊說師公功。

送喜桃

陳家十四孃。立廟徧城鄉。始自何年我弗詳。但見年少一女郎。
珠冠玉帶坐中央。白鬚袍服在邊旁。張三合公大名彰。元宵佳
節夜初長。喜桃分送卜麟祥。上有童兒貌秀良。誰家迎去誰家
昌。夫伫門。婦坐牀。一笑歡然昇入房。食之定許占弄璋。十月孃
孃舉壽觴。還來完願齊焚香。無數畫船穿河梁。綠波影裏搖紅
艫。君不見白雞洞。烏龍王。血食儼然饗一方。何如驅鱷與除蝗。
有功則祀民勿忘。

且甌歌

古

送瘟船

秋瘟作。求神逐。東甌王。

漢代所封

殿壇先築。諸神來降儀。穆穆主賓

列坐儼如俗。延請羽士醮黃籙。合郡官員文武屬。伏地上表爲
民祝。層臺高敞九霄蠹。頂上翩翩有白鶴。啣表焚升凌碧落。上
告蒼天天日諾。三日之後赦書錄。忠靖王。

平陽南門外有忠靖王出聖井相傳有凌

生夜竈聞鬼以疫氣置井俾飲者入其劫及旦生據井不與威
人汲衆不信生自投井死以證之遂封忠靖王亦稱溫元帥威

嚴肅。先歷通衢驅厲惡。五鬼七煞森裝束。家家臨門祭求福。巡徧回宮帝命復。壬以東嶽帝令驅除疫厲送瘟出城出自北。出自北諸神督

郡縣城隍晏

司船神

李

天醫神

岳

岳少保。歐人最崇信呼爲岳爺

無數燈光燭海角

紙船兒新簇簇。三艙備物咸維恪。出門一路地行陸。隨後壯夫數百伏。鳴鑼擊械呼以促。驅之大洋隨浪覆。自此千門慶安樂。

神駕回時概滅燭。繞道永清

永清門城西北門

潛行速。謂防來路瘟猶

熟庸知人道。鬼道相感觸。一正能使羣邪服。何必紛紛畫蛇足。

打花鼓

且甌歌

五

十月村姑罷打稻。又打花鼓來城堡。布衫簇簇鳳翹小。頸懸花鼓神天矯。秋波斜展腰支裊。隨口歌呼鸚舌巧。一唱一擊音環繞。贏得閨媛兩耳飽。撒米相酬隨多少。素不與人計分秒。村姑也識不貪寶。好官要比村姑好。

三將軍

大將軍。二將軍。三將軍。神蛇時出顯威靈。分踞道府縣衙門。謂是呵護案牘公生明。有不平時輒代鳴頭如斗。目如燈。數尺腰圍數丈身。誰與見者亦弗名。閭里居廬新落成。云將鎮宅制惡

氛家龍家虎豢庭心家虎洩壁能毒人。俗呼壁虎龍其將軍之子孫
將軍子孫久尙存。官廨民椽易世而已。不知爲誰氏之門庭。

香魚

香魚味美天池出。山頂池爲天池遊行溪頭機活潑。尖口細鱗鮮刺撥。

氣如檀木芬齒頰。雁蕩五珍此其一。六月六寸七月七。八九遞
長十月尺盈尺之後長不得。死時仍還生時穴。能不忘本咸噴
噴。可以人而不如物。

公婆船

且甌歌

去

公婆船公婆掌。一公一婆漁以養。由閩而甌逆流上。歲寒來泊
東門港。新年初交喜氣敞。不恤沿門托鉢樣。公在船支雙槳。婆
登岸負兒襁。蓬髻簪花布衣爽。予有聲跣足兩。登門直入非
鹵莽。乞循年例糕分餉。分得多時興懷暢。今年定卜水租旺。分
得少時心怏怏。今年祇怕魚空網。多多少少隨伎倆。元宵併作
一大鏹。船頭高供通肝蠻。爆竹聲聲相應響。公婆之樂樂且禔。
可笑全家日惘惘。只憑一鏹爲消長。何如知足隨俯仰。不作非
想非非想。

肉山

風腥腥。血淋淋。七月十五薦孤魂。肉山堆設勢軒騰。樓臺殿閣
筋棱棱。棟宇輪囷骨莖莖。古木參差疊嶂新。概以肉頭肉腳矯
造成。勝如一幅王右丞。熟肴牲爲席上珍。做尾裝頭集戲文。黃
袍兀坐鵝兒薰。白袍長跪猪肚蒸。金鯉魚作老將軍。獨立手縛
顯盛鱗。大紅蝦蟆彎其身。戎服戎冠伏地伸。蘿蔔白。青菜青。瘦
削腰支肖美人。其餘海錯與山珍。無不魚躍鳶飛妙入神。設筵
饌。廣延賓。東門會館人如雲。演劇開臺大饗賓。一費不止幾百
金。吾不解其薦陽而薦冥。只恐夜泉臺上莫轉輪。枉死城中添
牲畜之冤聲。

且甌歌

題詞

梁安周 熙緝之

海角同官已一年道旁齊說左丞賢知君民事留心
久欲採風謠譜管絃

常言俗語盡文章信手拈來字字香漫作一編稗史
讀挽回具有熱心腸

康樂 湯肇熙 紹卿

出口成章才人吐屬留心變俗循吏經綸有此至文

題詞

邑之幸也爰書數語以誌欽佩

邗江 郭鍾岳 外峯

前歌太古遺音俗不傷雅是性情中文字令人絕倒
拜倒自念徃時游戲之作誠糠粃在前矣後竹枝詞
十二首如白傅之作老嫗都解天倪子作梵語日般
羅蜜多阿毗曇

梁溪 過 鑄 玉書

看似游戲文章實於人心風俗有大關繫其真諦妙

諦要從每章結束處細味得之人知其才富我服其
旨遠

琴川翁玉蓀德芬
女士

十年宦蹟駐東甌風土人情一覽周古樂府翻新樂

府小蘇州化大蘇州

問壺係蘇人隨園以東甌爲小蘇州

善描俗態成

清詠力挽頽風踞上游默化潛移知有日增光志乘

足千秋

吳淞李書孫品如

題詞

二

石君我好友事事可爲師並轡來甌越瘴烟濕鞭絲
君已再入甌我實初登陴海外殊風俗見之輒驚奇
含笑欲問君君出袖中詩披卷一朗誦豁然曠所思
上而闕國計下而繫民瘼一字一鍼砭語妙可解頤
輜軒久不作世教誰維持矧吾風塵吏振鐸非所司
君以一枝筆欲補史乘遺所願民俗變箴言千古垂

